

## 第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿  
妙覺-普光明殿



## 二. 十住 – 忉利天宮

佛昇須彌頂品

菩薩雲集妙勝殿上說偈品

菩薩十住品

梵行品

初發心菩薩功德品

明法品



# 華嚴經梵行品之一

正念天子  
問梵行清淨

爾時，正念天子白法慧菩薩言：佛子！一切世界中，諸菩薩摩訶薩信家、非家、出家學道，捨離俗飾，被服法衣，彼諸菩薩云何方便修習梵行，具足菩薩十住道地，速成無上平等菩提？

十法為緣

爾時，法慧菩薩答正念天子言：正士！此菩薩摩訶薩一向專求無上菩提，先當分別十種之法。何等為十？所謂：身、身業、口、口業、意、意業、佛、法、僧、戒，

應如是觀：為身是梵行耶？乃至戒是梵行耶？

身

若身是梵行者，當知梵行則不清淨；當知梵行則為非法；當知梵行則為渾濁；當知梵行則為臭惡；當知梵行則為穢污；當知梵行則為塵垢；當知梵行則為諂曲；當知梵行則為八萬戶蟲。

身業

若身業是梵行者，當知身四威儀則為梵行；左右顧眄舉足下足則為梵行。

語

若口是梵行者，當知音聲則為梵行；當知語言則為梵行；當知心觸則為梵行；當知舌動則為梵行；當知脣齒和合則為梵行。

語業

若口業是梵行者，當知語言則為梵行；當知所說作、無作、稱譏、毀譽，則為梵行。

意

若意是梵行者，當知覺、觀、憶念、不忘、思惟、幻、夢等悉為梵行。

意業

若意業是梵行者，當知想是梵行；施設是梵行；寒、熱、飢、渴、苦、樂、憂、喜等悉是梵行。

佛

若佛是梵行者，為色是佛耶？為受、想、行、識是佛耶？為三十二相、八十種好是佛耶？為一切神通、業報是佛耶？

法

若法是梵行者，為正教是法耶？為寂滅、離涅槃是法耶？為生、非生是法耶？為實、非實是法耶？為虛妄是法耶？為合、散是法耶？

僧

若僧是梵行者，為向須陀洹果是僧耶？為得須陀洹果是僧耶？為向斯陀含阿那含阿羅漢果是僧耶？為得斯陀含阿那含阿羅漢果是僧耶？為三明、六通是僧耶？為時解脫是僧耶？為非時解脫是僧耶？

戒

若戒是梵行者，為戒場是戒耶？為十眾是戒耶？為問清淨、不清淨是戒耶？為戒師是戒耶？為三羯磨和尚是戒耶？為鬚髮、法服、乞食是戒耶？

菩薩摩訶薩當如是觀察十種法。

依根本智  
起梵行而  
不壞有為

又，知過去無所至，未來無所有，現在無作者、無知者、無受報者，此世不至彼世，彼世不至此世。

為何等法是梵行？梵行法為在何處？誰有是梵行法？此梵行法為是有耶？為是無耶？為是色法耶？為非色法耶？為是受、想、行、識法耶？為非受、想、行、識法耶？

菩薩摩訶薩正念無障礙，觀察、分別三世諸法平等，猶如虛空，無有二相。如是觀者，智慧、方便無所罣礙。於一切法而不取相，一切諸法無自性故；於一切佛及諸佛法平等觀察，猶如虛空；是名菩薩摩訶薩方便修習清淨梵行。

## 華嚴經梵行品之二

法 慧 菩 薩 說 梵 行 清 淨	菩 薩 十 波 羅 蜜 梵 行 清 淨	修 十 種 智 得 諸 梵 行		又復修習增上十法。何等為十？所謂：
			佛	是處非處智，
			法	去、來、現在諸業報智，
			僧	一切諸禪三昧正受解脫垢淨起智，
			精進	眾生諸根智，
			禪定	隨諸欲樂智，
			般若	種種性智，
			方便	至一切處道智，
			願	無障礙宿命智，
			力	無障礙天眼智，
			智	斷習氣智，是為十。
		入微細智	如是觀察如來十力甚深無量，具足長養大慈悲心，悉分別眾生而不捨眾生，亦不捨寂滅；行無上業，不求果報；觀一切法如幻、如夢、如電、如響、如化。	
		初發心時即得成就	菩薩摩訶薩如是觀者，以少方便，疾得一切諸佛功德。常樂觀察無二法相，斯有是處。初發心時，便成正覺，知一切法真實之性，具足慧身，不由他悟。	